

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 30 лун

19 №-а

СЁРНИГИЖӨД

Волісны: Марков В.П., Цыпанов Е.А., Козулина С.Г., Безносикова Л.М., Бутырева Г.В., Коснырева Е.Г., Попова Н.А., Федина М.С.

Видлалісны да сөгласуйтісны Коми Республикаса Оланподулысь 93 - 97 статьяяс:

93 статья

Муниципальной юкөнса бөрйом органон лоо муниципальной юкөнса Совет.

Муниципальной юкөнса бөрйом органсө лосьөдöны оланпастэчас да муниципальной юкөнса подувпуктас серти.

Сöмын муниципальной юкөнса бөрйом органлөн уджö тыр инöдөн пырöны:

1) муниципальной юкөнса подувпуктас вынсьөдöм да сэтчö вежсьöмъяс да содтöдъяс пыртöм;

2) меставывса сьöмкуд да сійöс олöмö пöртöм йылысь отчёт вынсьөдöм;

3) вот да öктас йылысь Россия Федерацияса оланпастэчас серти меставывса вот да öктас индöм, вежöм да киритöм;

4) муниципальной юкөн сöвмöдан планъяс да уджтасъяс вынсьөдöм, найöс олöмö пöртöм йылысь отчётъяс ошкöм;

5) муниципалитетö пырысь эмбурөн веськöдлан да вöдитчан ног урчитöм;

6) муниципальной предприятиеяс да учреждениеяс котыртöм, вильмöдöм да бырöдöм йылысь, а сідзжö муниципальной предприятиеяслөн да учреждениеяслөн могмөсьяс вылö тарифьяс индöм йылысь шуöм вынсьөдан ног урчитöм;

7) муниципалитетъяскостса организацияслөн отувья уджө муниципальной юкөнлөн пырөдчан ног урчитөм;

8) меставывса асвеськөдлан органъяслысь удж материалөн да техникаөн да удж котыртөмөн могмөдан ног урчитөм;

9) меставывса асвеськөдлан органъясөн да меставывса асвеськөдлан чина йөзөн меставывса төдчанлуна юалөмъяс збыльмөдан уджмогъяс олөмө пөртөм бөрся видзөдөм.

Муниципальной юкөнса бөрйөм органлөн веськөдлөм улө сідзжө пырө мукөд мог, кодъясөс оланпастэчас да муниципальной юкөнса подувпуктас серти урчитөма муниципальной юкөнса бөрйөм органлөн веськөдлөм улө.

94 статья

Муниципальной юкөнса олөмө пөртан-тшөктан органөн лоө муниципальной юкөнса администрация.

Муниципальной юкөнса олөмө пөртан-тшөктан органлөн веськөдлөм улө пырөны меставывса төдчанлуна юалөмъяс, кодъяс оланпастэчас да муниципальной юкөнса подувпуктас серти оз пырны муниципальной юкөнса бөрйөм органлөн, муниципальной юкөнса юралысьлөн да меставывса асвеськөдлан мукөд органлөн веськөдлөм улө.

7 юрпас. ЁРД ВЛАСЬТ. ПРОКУРАТУРА

(2001.10.12 лунся 45-РЗ №-а КР Оланпаслөн редакцияын)

95 статья

Коми Республикаын ёрд власьт збыльмөдоны федеральной ёрдьяс да Коми Республикаса ёрдьяс.

Коми Республикаса ёрдьясөн лооны Коми Республикаса Оланподув Ёрд да мирөвөй ёрдысьяс, кодъяс пырөны Россия Федерацияса ёрд власьт тэчасө.

96 статья

Коми Республикаса Оланподув Ёрдын 5 ёрдысь.

Коми Республикаса Оланподув Ёрд видлалö Коми Республикаса Каналан Сöветлөн, Коми Республикаса Юралысьлөн, Коми Республикаса Вёськöдлан котырлөн, Коми Республикаса Каналан Сöветö бöрйöм дасöд юкөн депутатлөн, Коми Республикаса Медвылыс Ёрдлөн, Коми Республикаса Арбитражнöй Ёрдлөн, Коми Республикаса Прокурорлөн, меставывса асвёськöдлан органъяслөн шыöдчöмъяс серти, лöсялöны-ö Коми Республикаса Оланподувлы:

а) Коми Республикаса оланпасъяс, Коми Республикаса Каналан Сöветлөн, Коми Республикаса Юралысьлөн, Коми Республикаса Вёськöдлан котырлөн нормативнöй инöда актъяс;

б) меставывса асвёськöдлан органъяслөн нормативнöй инöда актъяс.

Гражданалысь оланподувса инöдъяс да вöля дзескöдöм вылö норасьöм да ёрдъяслөн корöм серти Коми Республикаса Оланподув Ёрд видлалö, лöсялö-ö оланподувлы нормативнöй инöда акт, мыйöн вöдитчöма либö колö вöдитчыны торъя делöын, кодi пырö Коми Республикаса каналан власьт органъяслөн вёськöдлöм улö да Коми Республикаса каналан власьт органъяслөн да Россия Федерацияса каналан власьт органъяслөн öтувья вёськöдлöм улö, а сiдзжö юалöмъяс кузя, кодъяс пырöны меставывса асвёськöдлан органъяслөн вёськöдлöм улö.

Коми Республикаса Оланподув Ёрд Коми Республикаса Каналан Сöветлөн, Коми Республикаса Юралысьлөн, меставывса асвёськöдлан органъяслөн корöм серти гöгöрвоöдö Коми Республикаса Оланподув.

Актъяс либö торъя юкөнъяс, кодъясöс шуöма Оланподувлы лöсявтöмөн, воштöны вынсö.

Коми Республикаса Оланподув Ёрдлысь уджмогъяссö, сийöс артмöдан да сылысь уджалан ногсö урчитö Коми Республикаса оланпас федеральнöй оланпастэчас да Коми Республикаса Оланподув серти.

Коми Республикаса Каналан Сöвет индö Оланподув Ёрдö ёрдысьясöс
Коми Республикаса Юралысьлөн вöзйöм серти.

Комиссияөн веськöдлысь

В.П.Марков

Комиссияса веськöдлысьöс вежысь

С.Г.Козулина

Кывкутысь секретар

Е.Г.Коснырева